

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO-TUŽITELJSTVO
ZENIČKO-DOBOJSKOG KANTONA

Broj: T04 0 KTPO 0064898 25
Zenica, 07.01.2026. godine

OPĆINSKOM SUDU U TEŠNJU
Sudiji za prethodno saslušanje
TEŠANJ

Na osnovu člana 45. stav 2. tačka i) u vezi sa članom 241. Zakona o krivičnom postupku
F BiH, p o d i ž e m

O P T U Ž N I C U

Protiv:

Č. J. zv., osuđivana po Presudi Općinskog suda u ... broj ... od 28.11.2024. godine za krivično djelo Posjedovanje i omogućivanje opojnih droga iz člana 239. stav 3. KZ F BiH gdje joj je izrečena uvjetna osuda sa utvrđenom kaznom zatvora od osam mjeseci sa rokom provjere od dvije godine i Presudom Kantonalnog suda u ... broj ... od 26.06.2023. godine za krivično djelo Razbojništvo iz člana 289. stav 2. u vezi sa stavom 1. i članom 31. KZ F BiH, gdje joj je izrečena kazna zatvora od jedne godine

Što je:

Dana 03.03.2025. godine u mjestu ... općina Tešanj, s ciljem da sebi pribavi kredit kod ..., ..., kao davatelju kredita dala neistinite podatke značajne za dobivanje kredita, tako što je u zahtjevu za kredit, koji je svojeručno potpisala, navela da je zaposlena i da ima primanja u iznosu od 1.220,00 KM, te neistinite podatke o svom imovinskom stanju tako što je priložila Izvod ... banke za svoj transakcijski račun broj ... za period od 01.01.2025. godine do 31.01.2025. godine, kao dokaz da je zaposlena u firmi „...“ ..., na kojem je navedeno da je 05.01.2025. godine na svoj račun primila uplatu od navedene firme u iznosu od 1.220,00 KM, iako je znala i bila svjesna svojih radnji, da izvod za navedeni period nije izdat od strane banke, niti su bile zabilježene transakcije, niti je zaposlena u „...“ d.o.o. ..., niti je primila platu u iznosu od 1.220,00 KM, pa joj je na osnovu tako datih neistinitih podataka odobren kredit od strane ..., ..., po ugovoru o kreditu broj ... u iznosu od 2.000,00 KM, što je i htjela,

čime je počinila krivično djelo obmana pri dobijanju kredita ili drugih pogodnosti iz člana 268. stav 1. Krivičnog zakona Federacije Bosne i Hercegovine.